

4:to *alpicola*, spiculis inferioribus saepe compositis, superioribus in spicam ovatam congestis; capsulis angustioribus acutis margine serrulatis, ore evidentius bifido; culmo sesquipedali. Hab. locis elevatis apricis per Laponiam ubique. In his n:o 4. cespitose crescit, aliae magis segregatae.

*Carex panicea*, inter carices valde polymorpha, cujus notabiles varietates sunt:

1:mo *panicea a*, spicis exserte pedunculatis, contiguis, erectis; capsulis inflatis obtusis, ore subintegro, culmo abbreviato circiter semipedali, inferne folioso; foliis planiusculis. Hab. in Svecia australiori. Bracteae foliaceae, spicis breviores. Capsulae albescentes.

2:do *tumidula*, spicis subincluse pedunculatis, distantibus (interstitio bipollicari inter spicas) ovato-oblongis; capsulis inflatis excurvis, violaceo-rubris, ore prominulo integro; culmo inferne foliaceo, subacutangulo, foliis linearangustatis, canaliculatis, sursum triquetris, angulis acutissimis; bracteis foliaceis, spicas superantibus, acuminatis. Hab. in paludibus uliginosis rarius, ex gr. ad *Njawe* Lapon. *Lulensis*, et *Maunu* Lapon. *Tornensis*. Quoad folia